



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԼՈՌՈՒ ՄԱՐԶՊԵՏ

Ո Ր Ո Շ ՈՒ Մ

13 ապրիլի 2013թ. թիվ 59-Ա

ԼՈՌՈՒ ՄԱՐԶՈՒՄ ՀՐԱՄԱՆԱՏԱՐԱՇՏԱԲԱՅԻՆ
ՈՒՍՈՒՄՆԱՎԱՐԺՈՒԹՅԱՆ ՆԱԽԱՊԱՏՐԱՍՏՄԱՆ
ԵՎ ԱՆՑԿԱՑՄԱՆ ՄԱՍԻՆ

Համաձայն Հայաստանի Հանրապետության կառավարության 2003թ. հունվարի 30-ի թիվ 134Ն որոշմամբ հաստատված «Արտակարգ իրավիճակների և քաղաքացիական պաշտպանության բնագավառներում Հայաստանի Հանրապետության պետական և տեղական ինքնակառավարման մարմինների ու կազմակերպությունների պատրաստման և բնակչության ուսուցման կարգի» 5-րդ կետի և ՀՀ Լոռու մարզպետի կողմից 25.01.2013թ. թիվ 9-Ա որոշմամբ հաստատված Հայաստանի Հանրապետության Լոռու մարզի բնակչության պաշտպանության համակարգի նախապատրաստման 2013 թվականի հիմնական միջոցառումների պլանի, ղեկավարվելով Հայաստանի Հանրապետության Նախագահի 1997թ. մայիսի 6-ի «Հայաստանի Հանրապետության մարզերում պետական կառավարման մասին» թիվ ՆՀ-728 հրամանագրի 1.6 կետով՝

Ո Ր Ո Շ ՈՒ Մ եմ.

1. 2013 թվականի հունիսի 20-ին Լոռու մարզում իմ ղեկավարությամբ անցկացնել հրամանատարաշտաբային ուսումնավարժություն «Վանաձոր-Քիմպրոմ» ՓԲԸ-ում արտադրական վթարի առաջացման դեպքում աշխատակիցների և բնակչության պաշտպանության կազմակերպումն ու իրականացումը» թեմայով:

2. Ուսումնավարժությանը ժամանակին նախապատրաստվելու և արդյունավետ անցկացնելու նպատակով հաստատել՝

1) ուսումնավարժության ղեկավար կազմը՝ համաձայն թիվ 1 հավելվածի.

2) ուսումնավարժության ղեկավարման շտաբի կազմը՝ համաձայն թիվ 2 հավելվածի.

3) միջնորդական խմբի կազմը՝ համաձայն թիվ 3 հավելվածի:

3. Ուսումնավարժությունում ընդգրկել.

Լոռու մարզպետարանին, մարզի արտակարգ իրավիճակների հանձնաժողովին, մարզի տարահանման հանձնաժողովին, Լոռու մարզային փրկարարական վարչությանը, Վանաձոր համայնքին, «Վանաձոր-Քիմպրոմ» ՓԲԸ-ի քիմիական կոմբինատին, ՀՀ ԱԻՆ «Հայաստանի հիդրոտեխնոլոգիայի և մոնիտորինգի պետական ծառայություն» ՊՈԱԿ-ի Լոռու մարզային ծառայությանը, ՀՀ ԱՆ Լոռու ՊՀՀ տեսչության մարզային կենտրոնին, ՀՀ ԱՆ ՊՀՀՏ Լոռու մարզային փորձագիտական կենտրոն ՊՈԱԿ-ին, Հանրապետական անասնաբուժական և բուսասանիտարական լաբորատոր ծառայությունների կենտրոն ՊՈԱԿ-ի Լոռու մարզային մասնաճյուղին, ՀՀ գյուղատնտեսության նախարարության սննդամթերքի պետական անվտանգության ծառայության Լոռու մարզային կենտրոնին, «Վանաձորի պետական բժշկական քոլեջ» ՊՈԱԿ-ին, մարզի զանգվածային լրատվամիջոցներին, կազմակերպությունների մասնագիտացված խմբերին և արձագանքող ուժերին:

4. Ուսումնավարժության ղեկավարման շտաբի պետ, մարզային փրկարարական վարչության պետ, փ/ծ գնդապետ Հ. Անտոնյանին՝

1) ապահովել անցկացման փաստաթղթերի ժամանակին մշակումը և մինչև ս/թ մայիսի 31-ը ներկայացնել իմ հաստատմանը.

2) կազմակերպել ուսումնավարժությանը ներգրավվող պաշտոնատար անձանց նախապատրաստումը՝ համաձայն հաստատված օրացուցային պլանի.

3) ապահովել համագործակցությունը տեղական ինքնակառավարման մարմինների հետ ուսումնավարժության անցկացման հարցերում (ազդարարում, տարահանում և այլն).

4) Ճշգրտել Լոռու մարզի «Վանաձորի-Քիմպրոմ» ՓԲԸ Վանաձորի քիմիական կոմբինատի հարակից վտանգավոր գոտում գտնվող բնակչության պաշտպանության պլան»-ի գործնականում իրականացման կարգը.

5) ճշգրտել Վանաձոր համայնքի և կազմակերպությունների կողմից հատկացվող ուժերն ու միջոցները և դրանց օգտագործման կարգը.

6) Վանաձոր համայնքի ղեկավարի հետ ուսումնասիրել հավանական իրավիճակը, բնակչության պաշտպանությանն ու կենսապահովմանն ուղղված միջոցառումների իրականացման կարգը.

7) ճշգրտել փոխգործողությունների պլանները.

8) ուսումնավարժության անցկացմանը պատրաստ լինելու մասին զեկուցել 2013թ. հունիսի 7-ին:

5. Ուսումնավարժության ղեկավարի տեղակալ Ա. Դարբինյանին՝

1) ապահովել գործնական միջոցառումների իրականացման համար անհրաժեշտ նյութատեխնիկական միջոցներով.

2) նախապատրաստել ուսումնավարժության նախապատրաստման և անցկացման համար անհրաժեշտ ծախսերի հաշվարկը և մինչև 2013թ. մայիսի 15-ը ներկայացնել հաստատման:

6. Ուսումնավարժության մասնակիցներին՝

1) ճշգրտել համապատասխան պլանները, համալրել անձնակազմը համապատասխան գույքով և հանդերձանքով.

2) պատրաստ լինել զեկուցելու ուսումնավարժության ընթացքում կատարած միջոցառումների մասին.

3) «ԱրմենՏել» ՓԲԸ ՀՏԿ-ի պետ Ս.Թորոսյանին՝ պատրաստ վիճակի բերել կապի և ազդարարման միջոցները: Ապահովել կայուն և անխափան կապ մասնակից մարմինների, ծառայությունների ու արձագանքող ուժերի հետ: Կառավարման կետերն ապահովել կապի և ազդարարման տեխնիկական ու շարժական միջոցներով.

4) մարզպետարանի աշխատակազմի քաղաքաշինության վարչության տրանսպորտի և ճանապարհաշինության բաժնի պետ Վ.Գևորգյանին՝ պատրաստ վիճակի բերել համապատասխան տրանսպորտային միջոցները՝ արձագանքող ուժերին դեպքի վայր տեղափոխելու և տարահանվողներին տարահանելու նպատակով.

5) մարզպետարանի աշխատակազմի քաղաքաշինության վարչության ճարտարապետաշինարարական բաժնի պետ Վ.Անտոնյանին՝ նախապատրաստել մարզային և ընդգրկվող համայնքների կառավարման կետերը, պատրաստ վիճակի բերել ծառայության արձագանքող ուժերը՝ արտակարգ իրավիճակներում գործելու համար.

6) մարզպետարանի աշխատակազմի առողջապահության և սոցիալական ապահովության վարչության պետ Ս.Լամբարյանին՝ ճշգրտել ծառայության խնդիրներն ու լուծման կարգը: Պատրաստության բերել մարզի բուժհիմնարկները՝ արտակարգ իրավիճակներում դրանք ծավալելու համար.

7) մարզպետարանի աշխատակազմի գյուղատնտեսության և բնապահպանության վարչության պետ Գ.Հակոբյանին՝ ստուգել անասնաբուժական հիմնարկությունների պատրաստությունը կենդանիների պաշտպանությանն ուղղված միջոցառումների

անցկացման համար: Ստուգել դիտարկման ցանցի և լաբորատոր հսկողության հիմնարկների պատրաստականությունը.

8) մարզպետարանի աշխատակազմի ֆինանսական և սոցիալ-տնտեսական զարգացման վարչության պետ Ս.Հովհաննիսյանին՝ ճշտել ծառայության ուժերի պատրաստականությունը, տարահանված բնակչությանը սննդով, իսկ արձագանքող ուժերին, անհրաժեշտության դեպքում, ՎՔՆ-ով և սննդով ապահովելու համար.

9) ՀՀ ոստիկանության Լոռու մարզային վարչության պետ, ոստիկանության գնդապետ Ա.Համբարյանին՝ ճշտել ծառայության պատրաստականությունը ԱԻ-ում գործելու դեպքում և բնակավայրից բնակչության տարահանման երթուղիներն ու տեղաբաշխման վայրերը.

10) «Լոռի-ջրմուղկոյուղի» ՓԲԸ-ի տնօրեն Հ.Անտոնյանին՝ ճշգրտել վթարավերականգնողական խմբերի կազմը և նրանց ապահովվածությունը հաշվեցուցակային գույքով, սարքավորումներով և տեխնիկայով.

11) «ՀԷՑ» ՓԲԸ «Դեբեդ» մասնաճյուղի տնօրեն Գ.Սարգսյանին՝ ստուգել ծառայության վթարատեխնիկական խմբերի անձնակազմերի հազեցվածությունը հաշվեցուցակային գույքով, սարքավորումներով և տեխնիկայով.

12) «ՀայՌուսգազարդ» ՓԲԸ Լոռու ԳԳՄ-ի տնօրեն Վ.Բաղդասարյանին՝ ստուգել ծառայության վթարատեխնիկական խմբերի անձնակազմերի հազեցվածությունը հաշվեցուցակային գույքով, սարքավորումներով և տեխնիկայով.

13) մարզային տարահանման հանձնաժողովի նախագահ Վ.Ասատրյանին՝ ստուգել տարահանման հանձնաժողովի ընդունման և տեղաբախշման կետերի պատրաստականությունը: Ճշտել տարահանման և տեղաբախշման համար օգտագործվող տրանսպորտի քանակը, տարահանվող բնակչության հաշվարակը ըստ բնակավայրի տեղաբախշման:

14) Վանաձոր համայնքի ղեկավարին՝

ա. լրամշակել և ճշգրտել «Լոռու մարզի Վանաձոր համայնքի ԱԻ առաջացման դեպքում ստեղծվող իրավիճակի և դրա սպառնալիքի դեպքում կամ հետևանքների վերացման ժամանակ գործողությունների պլանը» և դրա իրականացման մեխանիզմը.

բ. Արձագանքող ուժերը բերել պատրաստ վիճակի:

15) «Վանաձոր-Քիմպրոմ» ՓԲԸ-ի տնօրենին.

ա. ճշգրտել համապատասխան պլանները.

բ. արձագանքող ուժերը և մասնագիտացված խմբավորումները բերել պատրաստ վիճակի:

7. Սույն որոշումը տրամադրել ուսումնավարժության մասնակիցներին:

8. Սույն որոշման կատարման հսկողությունը վերապահում եմ ինձ:

ՀՀ ԼՈՌՈՒ ՄԱՐԶՊԵՏ

2013թ. ապրիլի 13
ք.Վանաձոր



Ա.ՆԱԼԲԱՆԴՅԱՆ